

*Tarikh Dibaca: 07 Julai 2017M | 13 Syawal 1438H*

# **KHUTBAH JUMAAT**

***Tajuk:***

***“MENDAKAP BAHAGIA HAKIKI”***

**\*\*\***

***Terbitan:***

***Unit Khutbah***

***Bahagian Pengurusan Masjid***

***JABATAN AGAMA ISLAM SELANGOR***



## **SENARAI AHLI JAWATANKUASA KHUTBAH NEGERI SELANGOR 2017**

- 1. SS. Dato' Haji Haris Bin Kasim (Pengerusi)**  
**Pengarah Jabatan Agama Islam Selangor**
- 2. SS. Dr. Haji Anhar Bin Haji Opir (Ahli)**  
**Timbalan Mufti, Jabatan Mufti Negeri Selangor**
- 3. Tuan Haji Idris Bin Ramli (Setiausaha)**  
**Ketua Penolong Pengarah, Bahagian Pengurusan Masjid, JAIS**
- 4. Yg. Berbahagia Dr. Haji Osman Bin Haji Sabran (Ahli)**  
**Pensyarah, Universiti Selangor**
- 5. Dato' Haji Abdul Majid Bin Omar (Ahli)**  
**Ahli Jawatankuasa Fatwa Negeri Selangor**
- 6. Tuan Haji Hamid Bin Md Isa (Ahli)**  
**Pensyarah, Kolej Universiti Islam Selangor**
- 7. Tuan Haji Md. Sahari Bin Abdullah (Ahli)**  
**Ahli Jawatankuasa Fatwa Negeri Selangor**
- 8. Tuan Haji Abdul Halem Hapiz Bin Salihin (Ahli)**  
**Ketua Penolong Mufti (Fatwa), Jabatan Mufti Negeri Selangor**
- 9. Ustaz Muhammad Farhan Bin Wijaya (Ahli)**  
**Imam Besar Masjid Sultan Salahuddin Abdul Aziz Shah**
- 10. Ustaz Indera Shahril Bin Mohd Shahid (Ahli)**  
**Pegawai Majlis Agama Islam Selangor**
- 11. Ustaz Hairol Azmi Bin Khairudin (Urusetia)**  
**Penolong Pengarah Unit Khutbah, BPM, JAIS**



## “MENDAKAP BAHAGIA HAKIKI”

الْحَمْدُ لِلَّهِ الْقَائِلِ: يَا أَيَّتُهَا النَّفْسُ الْمُطْمَئِنَّةُ ﴿٢٧﴾  
أَرْجِعِي إِلَىٰ رَبِّكِ رَاضِيَةً مَّرْضِيَّةً ﴿٢٨﴾ فَأَدْخُلِي فِي عِبَادِي  
﴿٢٩﴾ وَأَدْخُلِي جَنَّتِي <sup>١</sup> ﴿٣٠﴾  
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ  
أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى  
سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ أَجْمَعِينَ.  
أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أُوصِيكُمْ  
وَأَيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى:  
يَا أَيُّهَا الَّذِينَ آمَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ  
إِلَّا وَأَنْتُمْ مُسْلِمُونَ.

**Muslimin yang dirahmati Allah sekalian,**

Marilah kita meningkatkan ketaqwaan kita kepada Allah SWT dengan melakukan segala suruhan-Nya dan meninggalkan larangan-Nya. Mudah-mudahan kita sentiasa mendapat rahmat dan kebahagiaan di dunia mahupun di akhirat.

Marilah kita bersama-sama menghayati khutbah pada hari ini yang bertajuk “MENDAKAP BAHAGIA HAKIKI”.

<sup>1</sup> Al-fajr : 27-30



## Hadirin tetamu Allah sekalian,

Setiap insan di dunia ini ingin hidup bahagia. Tidak ada seorang pun manusia di dunia ini yang ingin hidup sengsara dan derita baik di dunia mahupun di akhirat kelak. Nilai bahagia tidak sama bagi setiap manusia di dunia. Ada yang bahagia apabila dikelilingi harta yang melimpah ruah. Ada yang berbahagia apabila segala hajat yang diingini tercapai. Namun, adakah itu bahagia yang sebenar menurut Islam?. Adakah segala kebahagiaan yang kita rasai di dunia akan membawa kebahagiaan di alam akhirat?. Bagaimanakah caranya untuk kita memperolehi kebahagiaan yang hakiki yang kekal hingga ke alam abadi?.

Sehubungan itu, untuk menyingkap rasa bahagia bagi menyediakan prasarana jiwa untuk mendakap bahagia hakiki, terdapat garis panduan yang telah dinyatakan oleh Allah SWT melalui Rasul-Nya Nabi Muhammad SAW.

Hadis daripada Suhaib R.Anhu bahawa Rasulullah SAW bersabda yang bermaksud:

*"Aku sangat kagum akan keadaan orang yang beriman itu. Semua urusan (yang berlaku dalam hidupnya) baik belaka baginya yang mana keadaan itu hanya ada pada orang yang beriman. Jika dia mendapat nikmat dan kebaikan, maka dia akan bersyukur, dan ia adalah sesuatu yang baik baginya. Jika dia ditimpa musibah dan bencana, maka dia akan bersabar, dan itu adalah suatu yang baik baginya".*

*(Hadis riwayat Imam Muslim).*

Hadis di atas menjelaskan kepada kita bahawa hidup ini sebenarnya adalah satu anugerah dan kebaikan kepada manusia. Segala yang berlaku dalam kehidupan manusia samada baik atau buruk itu merupakan suatu



kebaikan jika mereka mengerti dan menghayati kehidupan ini dengan keimanan yang sebenar kepada Allah SWT.

Sesungguhnya orang yang beriman kepada Allah SWT akan merasakan bahawa hidup ini suatu medan penyempurnaan hakikat kehambaan dirinya kepada Allah SWT. Ini kerana mereka tahu tujuan mereka dihidupkan di dunia ini hanyalah untuk mengabdikan diri kepada Allah SWT. Firman Allah SWT dalam surah ad-Dzariyaat ayat 56:

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ ﴿٥٦﴾

*"Dan Aku tidak menciptakan jin dan manusia melainkan supaya mereka mengabdikan diri kepada-Ku"*

**Para tetamu Allah sekalian,**

Rasa kehambaan merupakan kunci dalam menghargai kehidupan kita di dunia yang fana ini. Orang yang merasakan bahawa dirinya hanyalah seorang hamba kepada satu zat Yang Maha Agung yang menguasai sekalian alam ini, akan patuh dan taat hanya kepada Allah SWT. Seluruh hidupnya diserahkan hanya untuk Allah SWT. Firman Allah SWT dalam surah al-An'am ayat 162:

قُلْ إِنْ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ  
الْعَالَمِينَ ﴿١٦٢﴾

*"Katakanlah: "Sesungguhnya sembahyangku dan ibadahku, hidupku dan matiku, hanyalah untuk Allah Tuhan yang memelihara dan mentadbirkan sekalian alam".*

**Muslimin yang dirahmati Allah sekalian,**



Ramai manusia gagal menikmati hidup sebagai suatu anugerah kerana tidak memiliki rasa kehambaan kepada Allah SWT. Akibatnya, mereka menderhaka kepada Allah SWT dengan melanggar perintah dan larangan-Nya. Mereka juga akan merasa kecewa, gundah gulana, keluh kesah, dilanda kesedihan dan kesengsaraan dalam meneruskan kehidupan. Terutama ketika dirundung malang.

Ada kalanya mereka hilang rasa kelazatan hidup di dunia ini. Walaupun pada zahirnya mereka tersenyum, namun nun jauh di sudut lubuk hatinya yang paling dalam ada sesuatu kekosongan yang tidak terisi oleh segala kesenangan dan kemewahan yang ada di dunia ini.

Justeru, marilah kita kembali merasai diri sebagai hamba Allah demi untuk mendakap kebahagiaan yang hakiki.

Sidang Jumaat yang dirahmati Allah sekalian,

Matlamat hakiki kehidupan di dunia ini ialah untuk menyembah Allah SWT. Sebagaimana ayat yang telah dibacakan tadi. Sejarah umat terdahulu telah membuktikan kepada kita melalui ayat-ayat Allah bahawa ramai manusia terdahulu yang telah jauh tersasar dari matlamat hakiki kehidupan di dunia ini. Firman Allah SWT dalam surah Ar-Rum ayat 47:

وَلَقَدْ أَرْسَلْنَا مِنْ قَبْلِكَ رُسُلًا إِلَىٰ قَوْمِهِمْ فَجَاءَهُمْ  
بِالْبَيِّنَاتِ فَأَنْتَقَمْنَا مِنَ الَّذِينَ أَجْرُمْوٓا۟ ۖ وَكَانَ حَقًّا  
عَلَيْنَا نَصْرُ الْمُؤْمِنِينَ

*"Dan demi sesungguhnya! Kami telah mengutuskan sebelum kamu (wahai Muhammad) Rasul-rasul kepada kaum masing-masing, lalu*



*mereka membawa kepada kaumnya keterangan-keterangan yang jelas nyata, kemudian Kami menyiksakan orang-orang yang berlaku salah (angkara keterangan-keterangan itu), dan sememangnya adalah menjadi tanggungjawab Kami menolong orang-orang yang beriman".*

### **Hadirin yang berbahagia,**

Orang yang tidak tahu tujuan hidup sebenar di dunia ini merupakan orang yang paling malang sekali. Ini kerana dalam alam kehidupan ini, matlamat hidup merupakan suatu intipati yang sangat penting, Orang yang hidup tanpa tujuan, akan merasa kekosongan dan kesamaran dalam kehidupan seharian serta terus merasa rugi dengan usia dirinya sendiri. Maka untuk mengecapi rasa kebahagiaan yang hakiki, kita perlu mempunyai sebuah matlamat yang jelas di sebalik kehidupan ini, agar kita tahu apa yang perlu dilakukan dalam hidup ini tetapi hendaklah mati dalam Husnul Khatimah.

### **Muslimin yang dirahmati Allah sekalian,**

Alangkah malangnya orang yang hidup bertuhankan kebendaan di mana mereka mengabdikan seluruh hidupnya untuk mencari dan mengumpul harta benda semata-mata. Mereka memuaskan nafsu dengan harta benda yang mereka kumpul. Mereka sibuk membina rumah besar yang mewah lagi tersergam megah sehingga mereka lupa akan adanya hari kebangkitan semula. Allah SWT berfirman dalam surah al-Jathiyah ayat 24:



وَقَالُوا مَا هِيَ إِلَّا حَيَاتُنَا الدُّنْيَا نَمُوتُ وَنَحْيَا وَمَا يُهْلِكُنَا إِلَّا الدَّهْرُ وَمَا لَهُم بِذَلِكَ مِنْ عِلْمٍ إِنْ هُمْ إِلَّا يَظُنُّونَ

*"Dan mereka berkata: "Kehidupan ini tidak lain hanyalah kehidupan di dunia saja (iaitu) kita mati dan kita hidup, dan tidak ada yang membinasakan kita selain masa". Dan mereka sekali-kali tidak mempunyai pengetahuan tentang itu, mereka tidak lain hanyalah berprasangka saja".*

Oleh itu, marilah kita mendakap bahagia hakiki dengan kembali mengenali diri sendiri sebagai hamba Allah SWT. Kebendaan dan harta benda bukan ukuran kebahagiaan. Hidup ini bukanlah tempat untuk kita hidup dengan matlamat dan cara pilihan kita sendiri. Tetapi hidup ini ialah tempat untuk kita jalani dengan matlamat dan cara hidup yang telah ditetapkan oleh Allah SWT kepada kita.

### **Hadirin yang dikasihi Allah sekalian,**

Antara langkah terawal bagi seseorang menuju Allah SWT dalam mendakap bahagia hakiki ialah dengan meningkatkan ilmu agama. Ilmu agama adalah untuk menyempurnakan ibadah mereka supaya dapat menyinari kehidupan di akhirat kelak. Abu Hurairah R.Anhu berkata bahawa Rasulullah SAW bersabda yang bermaksud yang bermaksud:

*"Sesiapa yang mempelajari ilmu agama dengan bertujuan untuk habuan dunia maka dia tidak akan dapat mencium bau syurga pada hari kiamat kelak".*

*(Riwayat Abu Daud dan Ibnu Majah).*

### **Hadirin yang dirahmati Allah sekalian,**





Sebelum mengakhiri khutbah pada hari ini, khatib ingin menyeru kepada diri saya dan semua anggota masyarakat supaya:

1. Umat Islam hendaklah meyakini bahawa kebahagiaan yang hakiki adalah beriman kepada Allah SWT, sebaliknya orang yang mengejar keduniaan semata-mata tidak akan memperoleh kebahagiaan yang sebenar.
2. Umat Islam hendaklah menghayati dan mempraktikkan semua ajaran Islam bertepatan dengan syariat sebagaimana diajar oleh Rasulullah SAW untuk memperolehi kebahagiaan yang hakiki.
3. Umat Islam hendaklah meningkatkan jihad untuk melawan hawa nafsu dalam menjauhi dan meninggalkan segala tegahan Allah.

أَعُوذُ بِاللَّهِ مِنَ الشَّيْطَانِ الرَّجِيمِ  
مَنْ عَمِلَ صَالِحًا مِّنْ ذَكَرٍ أَوْ أُنْثَىٰ وَهُوَ مُؤْمِنٌ  
فَلَنُحْيِيَنَّهٗ حَيٰوةً طَيِّبَةً ۖ وَلَنَجْزِيَنَّهُمْ أَجْرَهُمْ بِأَحْسَنِ مَا  
كَانُوا يَعْمَلُونَ ﴿٩٧﴾

*"Sesiapa yang beramal soleh, dari kalangan lelaki atau perempuan, sedang ia beriman, maka sesungguhnya Kami akan menghidupkan dia dengan kehidupan yang baik; dan sesungguhnya Kami akan membalas mereka, dengan memberikan pahala yang lebih dari apa yang mereka telah kerjakan".*

*(an-Nahl: 97).*



بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،  
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ  
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ  
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ  
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ  
هُوَ الْغَفُورُ الرَّحِيمُ.

\*\*\*\*\*

Fahimah/Nurul  
21.05.2017



## KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ  
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا  
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.  
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى  
آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ  
الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ،  
أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

**Sidang Jumaat yang dirahmati Allah SWT,**

Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Oleh itu marilah kita sentiasa memperbanyakkan solawat dan salam ke atas Nabi kita Muhammad SAW. Firman Allah SWT:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا  
صَلُّوا عَلَيْهِ وَسَلِّمُوا تَسْلِيمًا.



اَللّٰهُمَّ صَلِّ وَسَلِّمْ عَلٰى سَيِّدِنَا وَمَوْلَانَا مُحَمَّدٍ سَيِّدِ  
الرُّسُلَيْنِ وَارْضَ اللّٰهُمَّ عَنْ اَصْحَابِهِ وَقَرَابَتِهِ  
وَاَزْوَاجِهِ وَذُرِّيَّاتِهِ اَجْمَعِينَ.

اَللّٰهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ  
وَالْمُؤْمِنَاتِ الْاَحْيَاءِ مِنْهُمْ وَالْاَمْوَاتِ، اِنَّكَ سَمِيعٌ  
قَرِيبٌ مُّجِيبُ الدَّعَوَاتِ يَا قَاضِيَ الْحَاجَاتِ. اَللّٰهُمَّ  
اِنَّا نَسْأَلُكَ وَنَتَوَسَّلُ اِلَيْكَ بِنَبِيِّكَ الْاَمِينِ، وَنَسْأَلُكَ  
بِاسْمَائِكَ الْحُسْنٰى وَصِفَاتِكَ الْعُظْمٰى اَنْ تَحْفَظَ  
بِعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ  
الصِّمْدَانِيَّةِ، جَلَالَةَ مَلِكِنَا الْمُعْظَمِ سُلْطَانَ  
سَلَاطُور، سُلْطَانَ شَرَفُ الدِّينِ اَدْرِيسِ شَاهِ الْحَاجِ  
ابْنِ الْمَرْحُومِ سُلْطَانَ صَلَاحُ الدِّينِ عَبْدِ الْعَزِيزِ  
شَاهِ الْحَاجِ. اَللّٰهُمَّ اَدِمِ الْعَوْنَ وَالْهِدَايَةَ وَالتَّوْفِيقَ،  
وَالصِّحَّةَ وَالسَّلَامَةَ مِنْكَ، لَوْلِيَّ عَهْدِ سَلَاطُور،  
تَغْكُو اَمِيرِ شَاهِ ابْنِ السُّلْطَانَ شَرَفُ الدِّينِ اَدْرِيسِ  
شَاهِ الْحَاجِ فِي اَمْنٍ وَصَلَاحٍ وَعَافِيَةٍ بِمَنْكَ وَكَرَمِكَ



يَا ذَا الْجَلَالِ وَالْإِكْرَامِ. اَللّٰهُمَّ اَطْلُ عُمْرَهُمَا  
مُصْلِحَيْنِ لِلْمُوظَّفَيْنِ وَالرَّعِيَّةِ وَالْبِلَادِ، وَبَلِّغْ  
مَقاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan soleh kami, suburkanlah jiwa kami dengan budi pekerti yang mulia, satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat, lindungilah kami daripada bala bencana dan peliharalah kami daripada ajaran sesat seperti Syiah, Qadyani, dan lain-lain ajaran yang difatwakan menyeleweng dari ajaran Islam atau bertentangan dengan pegangan Ahli Sunnah Wal Jamaah. Ya Allah bujukanlah hati kami untuk mendirikan solat fardhu lima waktu, menunaikan zakat melalui Lembaga Zakat Selangor, mewakaf dan menginfaqkan harta melalui Perbadanan Wakaf Selangor dan Tabung Amanah Pembangunan Islam Selangor.



رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ  
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا  
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ  
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ  
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوا لَهُ عَلَىٰ  
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ  
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.

\*\*\*\*\*